


MOA MANI LONG WOKMAN

Haus Asembli i bin orait long ol 70,000 wokman bilong lain i mas kisim moa pe. Long yia 1971 ol i mas kisim \$11.80 long fotnait sapos ol i wok mani stret. Bihain bai pe i go antap moa yet.

Nau tu ol man o ofisa i pinis-taim long gavman i mas kisim moa pe malolo o pe lip. Man i mas gat 60 krismas o wok wantaim gavman inap 35 yia bilong kisim pe lip.

Gavman tu i strong ol bisnisman i mas skulim moa Niuginian long pasin bilong ranim bisnis na kirapim bisnis bilong ol yet.



Mista Toua Kapena, ministerial memba bilong bosim ol wok, i toktok wantaim wanpela wokman long ti faktori long Kudjip long Hailans

Mista Nasson Paulias, hetman bilong olgeta skul long Is Sepik Distrik, i givim setifiket long tisa Michael Oneke bilong Aitape.

19,841 Pinisim Standat 6

Nau em i taim tru bilong ol man na meri i stap long skul. Ol i tingting planti long kisim setifiket bilong ol. Samting olsem 19,841 sumatin i resis long save long standat 6. Nau ol i sek-sek liklik, ol i wetim tok. Bilong 19,841 samting olsem 6,500 tasol inap go long haikul. Ol arapela bai mekim wanem? Em i wanpela bikpela wari bilong dispela kantri. Neks taim yu ken painim ol mak bilong ol sumatin bilong standat 6 insait long dispela niuspepa.

Pop i Kam Lukim Australia

Em i namba wan taim long stori bilong graun wanpela Pop, hetman bilong 600,000,000 Katolik, i kam lukim Australia. Edita bilong WANTOK i go bungim em long Sidni. Bihain bai mipela i gat planti poto long dispela nius.



Toksave Long Ol Politikal Pati

Planti pati i kamap nau. Yupela i gat planti tingting. Bai i kamap olsem wanem long ai na ia bilong ol man? I tambu long tok politik long wailis. Olsem.....SALIM OLGETA TOK BILONG YUPELA I KAM LONG MIPELA. Mipela i hepi long prininim bai i go long planti man, na i no kostim yupela mani. Mipela i no bihainim wanpela pati; mipela i olsem maus bilong olgeta wantaim. Yupela kam resis long toktok.....

PAS I KAM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela prininem bilong yu tru, orait yu raitim arapela nem bilong yu tu.

Smatpela Man Tom

Dia Edita.- Mi laik mekim liklik toktok bilong dispela smat man Tom bilong lae. Em i tok ol misinari ol i bisnisman na ol i gat moa mani long gavman. Tom, mi tokim yu stret dispela tingting bilong yu i no stret liklik, nogat tru. Mi ting yu no sem long mekim dispela kain kraniki toktok na mekim nara-pela gutpela man i bi-hainim tingting nogut bilong yu?

Yu tok ol misin i gat planti mani na yu givim eksampel bilong sampela skul long Rabaul. Yu ting wanem mipela ol Niuginian i helpim ol long wokim dispela ol skul? Nogat tru. Ol i bin traime hat tru long raitim planti pas i go long ol wantok bilong ol yet long kantri bilong ol long salim mani i kam. Sapos ol i gat planti mani, mi ting ol i no inap long sindaun na mekim hatwok olsem long askim long mani. Mi no ting bai yu inap long painim wanpela man long gavman i askim ol wantok bilong em long salim mani long helpim mipela.

Ol misin i wokim skul long husat man? Em long mipela tasol, bilong givim save long yumi tasol. Ol bai i no inap kisim dispela ol skul i go wantaim ol long ples.

Nau wankantriman, Tom bilong lae, yu mas tingting gut pastaim taim yu laik salim dispela kain toktok long pablik. Lukim ol samting long tupe-la sait wantaim na givim tingting bilong yu.

Na ol wantok bilong

Niugini, taim yupela i ritim kain samting olsem yupela tu i mas tingting gut pastaim. Long wanem sampela samting i no tru liklik. Mi save liklik long pasin bilong yu-mi Niuginian. Dispela man olsem Tom bilong lae, i kros long ol misin long wanem ating em i bin askim sampela samting long wanpela misinari na em i no helpim em. Olsem na em i laik bekim. Mi save mipela ol Niuginian i save tok "bekim, bekim". Olsem na boroman tu i laik bekim.

Gabriel Klero Dusava,
Kairiru Ailan.

BAI YUMI KANAKA STRET

Dia Edita.- Mi bin lukim dispela niuspepa "Wantok" na mi amamas tru long tok bilong Francis Gunua. Tingting bilong em i tru tumas.

Ol sampela man bilong Niugini i laik kisim selp gavman kwik, na ol i laik rausim ol waitman i wok long helpim yumi nau. Ting bilong mi i olsem, ol waitman i helpim yumi strong tru wantaim ol gutpela samting bilong ol olsem ol misin na faktori na ol kain kain ol gutpela samting bilong mekim ol wok. Yupela save nau yupela i gat ol stua long ples bilong yupela. Em ol dispela samting i kirap long strong bilong waitman tasol. Sapos yumi kisim selp gavman kwik na rausim ol waitman olsem dok na pik, bai yumi kanaka stret, na bai yumi lus tru. Yumi mas wet inap 10-pela yia moa orait bihain bai yumi redi long kisim selp gavman.

May K. Minga,
Chimbu.

Taun i Ples Nogut

Dia Edita.- Mi no inap long poromanim tingting bilong Maori Kiki. Em i tok stret; biktaun i ples bilong olgeta man. Ol i ken go long taun na lukim olgeta samting ol i no gat tambu. Tasol mi lukim planti pasin bilong ol dispela man i kam insait long taun i no stret, Longtaim tumas ol i stap long taun na haus na ples we ol i ken stap na slip. Taim ol i hangre, ol i kisim kaikai long wantok bilong ol. Sapos ol i no gat wantok, ol i traime stil-

im kaikai long stua na long ol haus. Planti ol i laikim tumas long stap nating long taun na ol i no traime painim wok tu. Em i gutpela sapos ol plisman inap long rausim ol dispela man long biktaun i go bek long ples. Sapos ol i laik wok na ol i no painim wok, orait ol i mas go bek long ples na traime wok bisnis bilong ol yet. I gat didiman, kiap na planti ol misin i save givim aidia na helpim long ol pipel long ples yet.

F. Mosea, Chimbian.

Laikim Papua Na Panguna

Sapos yumi lukim piksa bilong graun, bilong wanem i gat planti nem bilong ol kantri i wan-kain tasol? Bilong wanem ol waitman ol i kam painim. wanpela nupela kantri, na wan tu ol i putim nupela nem long en? Olgeta kantri i gat nem bilong ol pinis.

Bilong wanem ol i bringim ol nem Inglis tasol: New Britain, New Ireland, New Guinea? Kantri i gat kain nem olsem, oltaim i mas ting bek long taim ol waitman i bosim em. Em i nogut. Ol pipel bilong kantri i kisim independens i mas tingting gut na painim nem bilong kantri bilong ol yet, o kisim bek nem bilong em bilong bipo, sapos i gat.

Ating ol man bilong Nu Gini na Papua i no laikim nem New Guinea sapos ol i save long as bilong dispela nem. Em hia: sampela waitman i painim dispela ples bilong yumi na ol i ting em i wan-kain long wanpela ples bilong Afrika ol i kolim Guinea, olsem na ol i putim nem New Guinea long en.

Tasol nem New Guinea i no kamap namba wan. No-

gat. Nem Papua i kamap paslain, Long yia 1526 wanpela kepten nem bilong em Meneses, i lukim ol pipel bilong dispela kantri bilong yumi i gat gras i tantanim, i krun-gut. Long tok ples bilong ol Malai gras krun-gut ol i kolim papua tasol. Olsem nem Papua em i pas tru long dispela kantri.

Tasol mi laikim nara-pela nem tu, nem Panguna. Panguna em i wanpela liklik taun long hap bilong Buka. Nem Panguna i gutpela tru, long wanem. planti mining i hait insait long dispela nem. Yu lukim: PA (Papua), NGU (Nu Gini) NA (Nesen). Olsem Panguna i laik tok: ol pipel bilong kantri Papua na Nu Gini. Sapos man i tok Nu Gini, ol Papua i no laik. Nem Panguna i bungim tupela wantaim. I no gat wanpela i gat kros.

Ating taim independens i kamap, planti nupela nem bai i kamap tu. I gutpela. Tasol nau yet yumi mas gat wanpela nem bilong soim i gat wanpela pipel i stap long wanpela kantri. Mi laikim nem Papua na Panguna. P. Ryan, Port Moresby.

Wantok Seksek?

Dia Edita.-Gude tru long yu wantaim ol lain man i wok wantaim yu. Mipela ol planti Niugini i amamas tru long dispela niuspepa bilong yu i kamap. Mipela i amamas olgeta.

Yupela i bin tok, long pastaim, taim dispela niuspepa i nupela yet olsem bai em i niuspepa bilong mipela ol Niugini. Em i gutpela. Nem bilong niuspepa, Wantok hia, i gutpela tru.

Mi save, yupela ol waitman i bosim dispela niuspepa. Em i gutpela, nogat toktok. Em i gutpela tru sapos ol sampela waitskin, man bilong Niugini stret, i ken helpim mipela ol blakskin; olsem bai yumi olgeta i ken sindaun gut long nau na long bihain wantaim.

Tasol mi gat wanpela liklik wari na mi laik autim long yupela bai yupela i ken prinim. Dispela wari i olsem. Em i no stret sapos yupela i pret long ol dispela lain kiap nau ol i bosim tru Haus Asembli. Em i no stret sapos yupela i guria long ol na olsem yupela i pret long autim olgeta tingting bilong yumi Niugini.

Mi lukim ol sampela toktok yu bin raitim long ol Mataungan. Tru tumas, ol sampela samting ol i bin mekim i no stret tumas. Yumi olgeta i save, ol i bruk long namel na em tu i no gutpela. Tasol yumi i mas save tu ol i olsem bratasusa bilong yumi na ol i gat planti hevi tu. Ol i pulap tru long graun bilong ol. Ol planti hap graun bilong ol sampela plantasin masta i bin stilim bipo taim ol Tolai yet i no gat planti save. Ol i pret bai ol kiap i antapim ol long kaunsil na paulim ol wok bisnis bilong ol. Tru yet, ol yet i gat ol

sampela rong tasol ol i bratasusa bilong yumi. Wantok i mas autim ol wari bilong ol wantaim ol arapela nius bilong ol. Nogat sapos Wantok i oltaim wok long seksek long gavman bilong ol waitman na hapim toktok. Sapos yu wantok tru bilong mipela, orait, yu no ken seksek.

Mi save, yumi ol Niugini i gat ol sampela rong long yumi yet. Orait autim. Tasol yu mas save, yumi i gat ol planti bel hevi wantaim. Yumi i kros long pe bilong graun. Yumi kros long pe bilong wok. Yumi kros long ol planti haus bilong yumi. Yumi kros long pe bilong kaikai. Yumi kros long ol planti haus ol kiap i no bin wokim bilong yumi long ol taun samting. Yumi kros long pasin nogut ol dispela tenpela kiap i oltaim wokim long Haus Asembli. Yumi kros long ol sampe-la waitskin. Ol i save wokim wanpela pasin long ol wanskin bilong ol yet na ol i save wokim nara-pela pasin, pasin nogut, long yumi. Orait, maski seksek long ol. Autim toktok.

Brata, tenkyu tru long ritim dispela pas. Mi amamas tru long dispela niuspepa bilong yumi, tasol mi bin harim ol sampela wanskin i save tok olsem yupela i save isi tumas, long wanem, ol i tok olsem yupela i pret long ol. Mi no ken kros long yupela. Nogat. Tasol mi wari liklik. Em i no stret sapos ol wanskin i tok yupela i pret long ol na olsem dispela gutpela niuspepa bilong yumi i painim bagarap.

Tenkyu tru. Sapos yupela i gat wanem bekim, orait, plis yu mas tokim mi. Yu save pinis. Nau i gat wanpela toktok long yumi. Dispela toktok i olsem. Nau em i taim bilong ol, tasol i no long-taim bai em i taim bilong yumi. Tingim gut.

Em tasol toktok bilong mi.

Mi bilong yu,
Beni Venu (Madang).

Nem tru bilong mi em i Tasol mi save holim wok bilong gavman. Maski prinim nem bilong mi. Nogut ol kiap na kain olsem i hatim mi. (Olsem wanem, pren? Yu no laik mipela i seksek long gavman na yu yet yu seksek? Edita.)

MEMBA I MAUS BILONG HUSAT

Dia Edita.-Yes ol brata na susa. Mi laik autim wari bilong mi. Mi laik askim, husat i makim ol memba insait long Haus Asembli? Mi ting ol pipel long ples yet i makim ol. Olsem wanem mi harim ol yet i tok mipe-la i laikim selp gavman? Mi ting em i no stret tumas. Plis yupela ol memba i mas tingting gut pastaim olsem yu yet olsem wanpela memba? Nogat tru. Orait yu laik mekim wanpela tok insait long Haus Asembli, yu mas tanim na lukluk long bihain bilong yu pastaim na yu ken tok. Nogut yu brukim bus i go na katim diwai i kam na kilim yu yet na bai yu dai. Tenkyu tru. Jacob L. Hunoura, Sasso-ya, Wewak.

HELPIM SKUL

Dia Edita.- Yes ol brata, nau mi Killian Kopori bilong Ningian i gat wanpela wari long tok aut i go long yupela ol bikpela man na meri long ples o long kantri bilong yumi long Papua na Niugini.

Yes mi lukim dispela kain pasin i no stret long tingting bilong mi. Yes, sampela ol pipel o kaunsil bilong ples o komiti bilong skul ol i no save salim ol pipel long go na helpim skul na mekim wok hat tru long skul. Bai yangpela meri o man i ken go long skul na kisim planti save long helpim kantri bilong yumi go het. Yumi no ken larim kantri bilong yumi slip.

Killian Kopori, Aitape.

Ting Pastaim

Dia Edita.-Nau mi laik bekim pas bilong Tom bilong Lae, Orait Tom yu bin tok long pas bilong yu olsem ol misinari ol i bisnisman. Mi ting yu bin rong long dispela hap tok.

Nau mi laik givim 3-pela liklik poin bilong mi long yu. Namba wan yu bin tok misin i gat planti skul tumas. Misinari i gat planti skul tumas bikos ol misinari i bin kamap pastaim long kantri bilong yumi. Em long taim ol tumbuna bilong yumi i wailman yet. Misin i lainim ol na kirapim ol skul, haus lotu, na planti arapela samting. Gavman i kam bihaintaim misin i stretim pinis sindaun bilong ol pipel.

Namba tu yu bin tok misin i gat planti mani na yu bin kolim tupela koles long Rabaul. Mani ol i wokim koles i kam stret long Jemani. Misin i askim ol pipel long givim 10¢ o 20¢ bilong helpim ol long wokim koles bilong ol yangpela man na meri bilong tisa trening. Misin i no kisim takis long ol man olsem gavman.

Namba tri yu bin tok ol misin ol bisnisman. Em i stret ol misin i wokim bisnis, tasol ol i no holim mani i kam long bisnis ol i wokim. Misin i salim sampela mani i go long ol ples i no gat ol skul. Em wanpela poin bilong misin i gat planti skul.

Misin i baim ol ka bilong go kwiktaim bilong mekim wok misinari. Misin i baim ol sip bilong helpim ol long go lukim ol pipel i stap longwe long ol ailan.

Olsem Tom, sapos yu laik raitim pas na tok-tok long ol misinari, mobeta yu mas tanim tingting bilong yu i go bek, na bihain orait yu raitim na toktok long wanem samting misin i wokim.


Purkikil, Chris. R.
Panguna.



Sampela skulboi bilong
Brandi Haiskul, Wewak, i
mekim trening olsem
soldia long ami. Hia
hetman bilong ami long
Moem i traim save bi-
long ol.

Ol soldia bilong 2 PIR
long Moem i kam long
Yarapos Haiskul na i
helpim ol meri long
kirapim wanpela so. Ol
i mekim olkain asasait
na pulim planti man i
kam lukluk.







WIL BALUS BILONG

ANSETT

YU LAIK FLAI LONG WANEM HAP
ANSETT I HEPI LONG KARIM YU I GO

Ansett I Gat Olkain Balus
Smok Balus Tri Ensin Tu Ensin Wan Ensin



We're inaugurating new services all the time. Like our new daily services to Kieta (Bougainville). And now we've made application for the right to fly direct to the American-owned island of Guam. Our fleet of modern aircraft has been increased by the addition of the brand new Twin Otter 300 series. Our staff is continually increasing and so are our world-standard facilities. In every way Airlines of Papua-New Guinea is truly representative of the vigorous growth of the Territory. Together, we're really going places.

ANSETT AIRLINES OF PAPUA NEW GUINEA
in conjunction with Ansett Airlines of Australia.

Kago i Kam

Long ples suain long hap bilong Aitape ol man i stap wetim kago i kamap. Stori i go olsem:

Long mun Septemba sampela ofisa na pris bia long ol Japan i kam long Suain, bilong mekim wanpela lotu sori bilong tingim ol soldia bilong ol i dai pinis long taim

bilong pait. Ol manmeri bilong Suain i lukim dispela lotu na ol i ting: Ating dispela i pasin na rot tru bilong kisim kago.

Olsem na ol bikpela man i sanapim wanpela draipela haus moa, i olsem wanpela bikpela sip. Ol i kolim haus Japan long wanem ol i wetim ol Japan yet i bringim kago.



Wanpela meri i hait insait long dispela piksa. Yu inap painim? Em i pasim blaus na sket.



KODAK INSTAMATIK Kamera 133

Em hia wanpela kamera inap olgeta wokman i ken baim. Olgeta skulboi inap long kisim poto long en. Em i isi tumas.

Em i kostim \$13.50 tasol.

- Sapos yu gat wanpela KODAK INSTAMATIK KAMERA bai yu win tru.
- Yu inap kisim poto long biksan, long taim klaut i pas, long ples tudak olgeta na long nait.
- KODAK INSTAMATIK i gat wanpela liklik bateri na liklik lait insait long en.
- KODAK INSTAMATIK i gat wanpela paspas let bilong karim karim nabaut wantaim yu.

yu baim long: **RABAU PHARMACY**
P.O. Box 76 RABAU Telefon 2504

Niuginian Kamap Kiap

Long dipatmen bilong namba wan gavman, 6-pela Papuan na Niuginian i bin kamap kiap. Ol dispela i namba wan lain lokal ofisa i kamap kiap.

Jack Bagita, krismas bilong em i 28, em i bilong ples Hula long Rigo Sap Distrik long Sentral Distrik. Mista Bagita i marit na em i gat tupela pikinini. Em i bin wok long Kimbe na Talasea long Wes Nu Briten na Chuave na Goroka long Isten Hailans. Em i bin stat wok olsem patrol ofisa 10-pela yia i go pinis.

Phillip Bouraga, krismas bilong em 30, na em i kam long ples Kapakapa long Kwikila Sap Distrik long Sentral Distrik. Mista Bouraga em i singelman na em i bin wok long Kavieng long hap bilong Nu Ailan. Em tu i bin wok olsem patrol ofisa inap long 10-pela yia.

Koava (Jack) Karukuru, krismas bilong em inap 27 na em i kam long ples Mairu long Kukipi Sap Distrik long Galp Distrik. Em i marit na i gat wanpela pikinini. Em i bin wok long Mendi long Sauten Hailans, Gembogl na Kundiawa long Chimbu na Port Moresby. Em i bin wok olsem patrol ofisa inap 10-pela yia.

Long bigin bilong dispela yia em i bin go long miting bilong Yunaitet Nesens olsem saveman bilong ol samting bilong Niugini.

Rowland Peter Kekedo, krismas bilong em 30, na em i bilong Port Moresby long Sentral Distrik. Em i marit na em i gat wanpela pikinini. Em i bin wok long Finschhafen long Morobe Distrik, Wewak long Is Sepik, Ningerum, Daru na Morehead long Westen Distrik, na Kokoda long Noten

Distrik. Em i bin wok olsem patrol ofisa inap 9-pela yia.

Wasangula Noel Levi, krismas bilong em inap 28, na em i kam long ples Nomopai klostu long Kavieng long Nu Ailan. Mista Levi em i singelman na em i bin wok long Goroka long Isten Hailans, Gumine long Chimbu, Wewak long Is Sepik, Kavieng na Namatanai long Nu Ailan, na Alotau long Milne Bay.

Jerry Kasup Nalau, krismas bilong em 32 na em i kam long ples Nasingalatau long Finschhafen Sap Distrik long Morobe Distrik.

Mista Nalau i marit na em i gat tupela pikinini. Nalau i bin wok long Finschhafen, Kokopo long Nu Briten, na Angoram long Is Sepik. Em i bin wok olsem patrol ofisa klostu 10-pela yia, na nau em i kamap olsem edukesen ofisa.



Arapela taim WANTOK i gat liklik tok long gavman i haitim sampela tok long wanpela trabel i kamap long arere bilong Niugini na Wes Irian.

Nau tok i kamap klia ol Indonesia i kukim 28 haus long hap bilong mipela.

Olsem yupela i ken save, mipela i no kros nating.



Pop i kam

Hetman bilong olgeta Katolik, Pop Pol, i flai i kamap long Australia namba wan taim long 30 Novemba. Em i laik onaim ol Australia long dispela pesto yia bilong kantri bilong kantri bilong ol. Em tu i laik kibung wantaim ol bisop bilong Australia, Nu Silan, na ol ailan. Long de namba 3 bilong Desemba em i blesim namba wan Niuginian i kamap bisop Katolik: em Bisop Louis Vanwege, D.D., M.S.C.

Pop bai i flai antap long Niugini. WANTOK niuspepa i bin salim edita i go bungim Pop long Sidni. Narapela taim bai mipela i gat piksa na stori long dispela wokabaut bilong Pop Pol.

170,000 i Lus Pinis

Wanpela bikpela raunwin i kirapim wanpela draipela si inap long 20 fit na i kilim samting olsem 170,000 manmeri long ples ol i kolim Is Pakistan. Long Ailan Bhola 50,000 i lus long wara. Dispela raunwin i go i go inap 6-pela aua na i bagarapim tru olgeta ailan long maus bilong Wara Ganges. Nau planti tausen man moa i dai long sik na hangre. Ol i no inap planim ol man indai pinis. I no gat wanpela taim long stori bilong graun planti man olsem i lus long wanpela taim tasol.


Long Englan i gat wanpela resis long painim wanem meri i naispela tumas long olgeta meri bilong graun. Ol i tok em i wanpela blakskin meri bilong Wes Indies, nem bilong em Miss Hosten.



Tupela bikpela man bilong Yunivesiti: Mista Kumalau Tawali (piksa antap) na Mista John Mills Kaniku (piksa daunbilo) i skulim 20 haiskul man na meri long pasin bilong raitim gutpela stori. Long wan wik ol i bin raitim 119 kain kain stori long Brandi Haiskul long Wewak.



CARPENTERS



NAMBA WAN STUA LONG PAPUA NA NEW GUINEA BILONG BAIM GUTPELA KAIKAI NA OLGETA KAIN SAMTING. TAIM YU LAIK GO LONG STUA...YU GO LONG STUA BILONG CARPENTERS

PORT MORESBY

MADANG

RABAU

LAE

INSAIT

LONG

HAUS

ASEMBLI

Bill Of Rights




Mista Chatterton

Dispela em i as tingting bilong olgeta lo bilong wanpela nupela kantri. Em i helpim ol manmeri i sindaun gut na gavman i no ken nogutim ol nating. Ol man yet i gat strong. Dispela as bilong ol lo i tok olsem:

- 1.) Gavman i mas lukaut long laip bilong ol man bai em i fri, na i no gat pret.
- 2.) I mas lukautim graun bilong man.
- 3.) I mas mekim ol lo bilong helpim ol man.
- 4.) Man i no ken tambu long bilipim wanem samting em i laik; em i ken tok wanem samting em i laik, em i ken kibung wantaim ol arapela man.
- 5.) Gavman i no ken nogutim sindaun o famili bilong wanpela man.

Mista Chatterton i tok: dispela ol lo i mas stiaim gut tingting bilong nupela gavman bihain long independens. Sapos nogat, bai taim nogut tru i kamap.

Gavman i no ken senisim isi tumas dispela kain lo long laik bilong em. Sapos planti manmeri moa i vot orait ol inap senisim wanpela dispela lo. Gavman wanpela i no inap.



Nem Na Plak Na Mak



Mista Arek

Selek komiti bai i raun long planti ples (lukim pes) na soim ol man tripela samting: nupela nem bilong dispela kantri, nupela plak, na nupela mak o sil. Nem em: Pagini. Na bai ol i kolim yumi ol Paginian. Plak i gat tripela kala: blu, yelo, na grin. I gat 5-pela sta olsem plak bilong Australia na long hap i gat wanpela kumul olsem samting tru bilong Niugini. Mak o sil bilong Niugini bai i olsem: Wanpela kumul i sindaun antap long wanpela kundu, na wanpela spia i slip long graun klostu long kundu,

Mista Arek i tok tu: long lukluk raun bilong en dispela selek komiti i bin painimaut: planti pipel tumas long Niugini i no laikim selp gavman hariap.



Selp Gavman Nau Tasol

Mista Tammur

Selp gavman i mas kamap long sampela hap bilong Niugini bipo long 1972.

Tambu Long Posin



Mista Lapun

Em i laik kamapim wanpela lo bilong tambuim tru ol tok na wok bilong posin. Sapos wanpela man i giaman long wok posin, o em i mekim tru, em i ken kisim kalabus inap 2-pela yia.



Pe Bilong Meri

Mista Azanifa

Mista Azanifa i kirapim wanpela tok Haus Asembli i mas orait bai pe bilong meri i no ken go antap long \$200. Long sampela ples em i winim pinis \$400. Tasol ol memba i tok em i wok bilong lokal gavman kaunsil bilong makim pe bilong ol meri long ples bilong ol stret.

"Ai em i lam bilong Sapos ol man i tok bilas bodi. Sapos ai bilong yu long yu, yu ting olsem: i gutpela, olgeta bodi yumi save tromoim ston bilong yu i gat lait. long ol diwai i save ka- (Matyu, 6, 22) rim kaikai.



NUPELA LO BILONG WOK NA PE

Mista Kapena

Long de namba 1. bilong nupela yia 1971, bai disela ol lo i kamap bilong helpim ol 77,000 wokman ilong ol plantesin:

1.) Ol bai kisim 50¢ moa pe long wik. Inap nau 1 i kisim \$4.83 olgeta wik, sapos ol i kisim mani tret. Long 1971 bai ol i kisim \$5.90 long wik, sapos i mani stret. Bihain long tupela yia bai ol i kisim \$6.40 long wanpela wik.

2.) Nau bosman i ken givim haus na skel samting long wokman na tekewe long pe bilong en. Tasol bihain long 3-pela yia bai olgeta man i wok mani stret.

3.) Man i mas kisim pe olgeta fotnait.

4.) I gat wankain pe long maritman na singelman.

5.) Olgeta yia wokboi i mas kisim lip inap tupe-la wik.

6.) Olgeta wokboi i ken kisim lip sapos em i gat sik.

7.) Ol man i wok 44 aua long wik tasol.

PINISTAIM PE

Mista Barnes, minista bilong ol Teritori, i askim Haus Asembli long givim nupela kain pe long ol ofisa i pinistaim long gavman na i go lapun pinis.

Taim ol man hia i wok, ol i mas sande long gavman inap 6¢ long wanpela wanpela dola ol i kisim. Bihain ol i wok 35 yia ol i winim 60 krismas; bai ol i kisim nating hap tru bilong pe bilong



ol bilong bipo. Sapos wanpela man i gat sik, em bai tu i kisim dispela pe. Sapos em i dai, meri bilong em bai i kisim.

selek komiti wokabout

Mista Paulus Arek i laik toksave long ol mammeri Selek Komiti bilong Haus Asembli bai i kam lukluk raun long ol dispela ples long mun Janueri:

- | | |
|--|--|
| 4 : Buin | 13 : Cape Gloucester Hoskins |
| 5 : Siwai, Kieta Lorengau | 14 : Finschhafen, Pindi Garaina, Kaiapit |
| 6 : Tinputz, Hutjena; Bunai | 15 : Wau, Lae |
| 7 : Hanahan; Lesau, Kavieng, Namatanai | 16 : Lae |
| 8 : Taskul, Anir, Konos | 18 : Bundi, Aiome, Bogia, Saidor |
| 9 : Vunadadir, Duke of Yorks | 19 : Madang |
| 11 : Kokopo | 20 : Nuku, Lumi, Aitape, Vanimo |
| 12 : Rabaul | 21 : Ambunti, Angoram Maprik |
| 13 : Kandrian, Hoskins | 22 : Wewak |

GO LUKIM PANGUNA KOPA KAMPANI



MISTA NEWMAN

Namba tu gavman, Mista A.P.J. Newman, bai i go Em hia nem bilong ol pas long wanpela lain memba bai i go: memba bilong Haus Asembli. Ol bai i glasing ol wok insait long Kopa kampani long Bougainville. As bilong dispela lukluk raun long Bougainville, em i olsem, ol memba yet i mas lukim Mista Kokomo Ulia na Mista Paul Langro.



Planti Pati i Kirap - Planti i Dai

Long 1967 inap nau i gat 21 politikal pati i kirap. Klostu olgeta i dai pinis. Long tripela wik i go pinis, i gat sampela moa nupela pati i kirap gen. Nogut man i longlong; olsem nau mipela i givim nem na namba bilong memba bilong ol.

PANGU PATI: i gat 9,000 memba; 9-pela memba long Haus Asembli; laikim independens nau tasol.

KOMPAS PATI: nupela yet; 40 memba long Haus Asembli; independens isi isi.

PIPELS PROGRES PATI: nupela yet; 11 memba long Haus Asembli; independens bambai.

NIUGINI NESENEL PATI: nupela yet; 2 memba long Haus Asembli; independens nau tasol.

ANDA-DIVELOPT DISTRIK PATI: nupela yet; 2 memba long Haus Asembli.

INDEPENDEN PATI: i laik kamap nau; 14 memba long Haus Asembli.

KRISTEN DEMOKRATIK PATI: bipo i gat 5,000 memba; no gat memba long Haus; independens isi isi

WEWAK TIMBERS PTY. LTD.

(MASTA SNO NA MASTA ED)

PHONE 93 & 228

OL HAUS BILONG MIPELA I STRONG TRU
TASOL I KOSTIM LIKLIK TASOL



3 Bedroom



2 Bedroom


(All houses passed by the Building Board)

long somil bilong mipela yu inap kisim olkain plang - painim ol samting i redi bilong wokim haus - painim ol kamda bilong wokim haus

ALL TYPES OF SAWN TIMBER
Low cost houses built or material supplied

Also at:

BOUGAINVILLEA DR. MADANG, PHONE 2214



Lapun: Ating, mi bin lukim pes bilong yu bipo long wanpela hap.

Manki: Nogat. Yu no lukim pes bilong mi long wanpela hap. Pes bilong mi oltaim wanpela hap. Pes bilong mi oltaim i stap long het bilong mi tasol.

* * * * *

Nek Bilong Ol Meri

Long Rabaul

Long 30 Novemba samting olsem 800 meri long Rabaul i kirapim wanpela nupela lain ol i kolim. Nilai Ra Asosiesen...i olsem "Nek bilong ol meri". Ol tu i laik bai ol meri i ken kam insait moa long ol wok politik na bisnis samting.

Long Mumeny

Inap 25 meri bilong 12-pela ples long Morot Distrik i pinisim lida sip kos bilong ol lor Mumeny. Dispela kos stap inap long 5-pel de. Tupela Welfe Ofis bilong Lae em Misis Di bura na Mis Mary Geresc tupela i go pas lor dispela kos. Dispela lid sip kos em i namba we long ol i mekim bilor ol memba bilong Mumer Women's klap. Planti mer bilong ol ples i bin g insait long dispel klap.

Long Lae

Long Lae Misis Dea Zurecnuoc i tokaut long sampela wari bilong ol meri bilong Niugini. Em i tok: "Ol waitman i no save liklik long pasin bilong bipo long Niugini na ol i ting ol man i bin mekim nogut long ol meri. Nogat. Ol man bilong Niugini i no save helpim ol meri bikos ol i ting meri i strongpela samting, em i save tumas long mekim olkain gutpela wok."

Misis Zurecnuoc i tok moa: "Planti nupela pasin i bin kamap long Niugini i no helpim ol meri. Planti man i kisim save; ol meri wan wan tasol. Na watpo ol didiman na medikal i no skulim ol meri? Long pasin bilong Niugini ol meri yet i bosim ol gaden, pik, helt na kaikai. Olsem go het bilong kantri i samting bilong ol meri tu."

"Na pasin bilong gavman bilong salim ol maritman i go longwe long ples, na famili bilong ol i no ken kam wantaim.... dispela i pasin nogut. Em i mekim nogut long ol mama na bagarapim planti marit."

Long dispela kos, ol toktok long ol samtin bilong dispela klap pas in bilong stapim sik long lukautim ples stap klin, pasin bilon lukautim liklik pikinini na long samapim samting.


Ol memba bilong dispela kos i go lukluk tu long ples bilong wok didiman long Mumeny we ol i planim ol kopi, katim han bilong ol tri, kisim pikinini kopi na mekim drai bilong salim.

Long Port Moresby

Wanpela Niuginian meri, Misis Diro, i toktok insait long sampela klap bilong ol meri long Canberra (Australia) i spik: ol meri bilong Papua na Nu Gini i laik tru insait long ol politik na wok bilong ples, tasol inap nau ol i no ken.

Ol man bilong Niugini i laik ol meri bilong ol i stap tasol long haus na lukaut long famili na gaden bilong ol. Planti taim ol man i mas go longwe long wok, na ol meri i mas kam bek sindaun long ples tasol. Olsem planti famili i bruk.

Man bilong Misis Diro em i kepten long Ami. Misis Diro em mama bilong 4-pela pikinini. Na bipo em i tisa na Komuniti Dvelopmen Ofisa.



'READ'
THE LITERACY AND LITERATURE MAGAZINE

- Published Quarterly
- Subscription \$1 yearly

The Editor, Box 43,
P.O., Ukarumpa, E.H.D.

Kaunsil Wari

akis: Bilong wanem plan-i man i no laik ba'im akis bilong kaunsil? Ol tok kaunsil i no mekim ok long helpim ol yet. asol kaunsil i no ken ok sapos em i no gat ani. Ol lapun long ples l i ting gavman tasol i as helpim ol. Ol i no ave long pasin bilong ndependens: sapos ol i aik bos, ol i mas pe. Planti man i no save ilong wanem ol i mas aim takis bilong kaun-il long ples bilong ol apos oltaim ol i sin-aun i stap longwe. **ikinini kiap:** Sampela kaunsil i save kolim advaisa o man i helpim ol long stiaim ol iting bilong ol: piki-ini kiap, bikos em i bi-ong gavman. Planti i pret ong em. Ol i ting tumas ong pasin bilong bipo: sapos kiap i tok, ol i as mekim tasol. Planti

kaunsil i lapun na ol i no save long arapela pasin. Sampela man tu i tok ol kaunsila yet i pret, nogut ol i paulim wok. Sapos ol i bihainim wok bilong advaisa tasol, ol-taim ol i ken putim asua long em sapos samting i no ran gut. **We stap ol yangpela man?** Long olgeta ples ol yangpela man i skul pinis i no save kam bek. Ol i lus pinis insait long ol biktaun. Olsem i no gat sampela yangpela man insait long ol kaunsil. Ol lapun bilong bipo tasol i stap. Sapos sampela yangpela saveman i kam bek, ol i no gat namba inap kisim kaunsil. Ol lapun i bosim ples inap nau. Olsem tasol ol yangpela saveman i laik stap longwe na ol i no kalabus insait long ol pasin bilong ples.



12,500 Bung

Tripela skaut na tupe-la lida bai i go long Australia long namba 9 Jamburi long Leppington klostu long Sydney. Jamburi em i wanpela bikpela miting o kem bilong ol skaut bilong ol planti kantri. Long dispela Jamburi bai i gat samting olsem 12,500 ol boi bai i stap insait na 88 skaut bai i bilong Niugini. Bai ol i mekim pren na amamas wantaim ol na kisim sampela save na

bihainim lo olsem skaut i pren bilong arapela man na brata bilong arapela skaut. Maski wanem kain kara bilong skin, sios bilong em o em i gat planti samting o no-gat. Ol bai kisim poin o mak inap ol i ken winim prais. Dispela prais ol i kolim James Cook Awart (Award). Em hia ol skaut bilong Wewak: Joachim Paiyen bilong Ulau (Aitape), nau em i mekim standat 6 long St. Benedik long Kaindi. Augustine Kangra bilong ples Kandingei (Sepik) nau i mekim standat 4 long St. Mary's Wirui. Samson Yruhu bilong ples Yekimbolye (Yangoru) i mekim fom 2 long Brandi Haikul. Tupela man bilong stiaim ol skaut long Jamburi em Mista Herman Nimborua (lukim piksa) na Denis Kelly. Herman i bin kisim namba olsem tisa long Kaindi Tisa Koles na Denis i wok long Welfe Ofis long Wewak.

POTO POTO

YU LAIKIM POTO BILONG YU I KAMAP OLSEM?

DRAIT: - - - -
YU KISIM POTO
YU SALIM I KAM LONG MIPELA MIPELA WASIM
NA PRINIM KWIKTAIM
BAI I KAM HARIAP LONG YU

Em ol prais hia:
120 film (12 piksa) = \$1.60
126 film (12 piksa) = \$1.60



Salim i kam long:
 NEW GUINEA PHOTO SERVICE
 P.O. BOX 130
 MADANG

Christian Literature

Books for service and education,
School supplies in English and Pidgin

**Kain kain buk
bilong lotu na skul**



KRISTEN PRES

Publishers - Printers - Booksellers - Stationers

Sales Division: Christian Book Centre
P. O. Box 222, Madang

OLGETA KAIN KAIN SEL

BILONG SIP, TRAK, PLANTESIN
O HAUS I GO ANTAP LONG HAP KA

MIPELA SAVE WOKIM GUT

Mipela save wokim gut sel long olgeta kain kain laplap. Ol i nambawan kain laplap bilong sanap strong long san i hat na bikpela ren long dispela kantri hia. Laplap hia ol i kolim katen, o kanis, o nailon. Sapos yu laik askim sel i kostim hamas, yu mas raitim pas i kam long mipela stret na toksave long wanem kain sel yu laik, na bikpela bilong em. Na mipela bekim pas i kam bek stret long yu. Ating ol kepten bilong ol smolpela sip i save pinis long mipela. Faktori bilong mipela i save tumas long wokim planti sel moa bilong ol. Yu rait long mipela pastaim!

* MI KEN SALIM I GO INSAIT LONG 24 AUA

* SALIM I GO LONG OLGETA HAP PLES

CANVAS & CORDAGE PTY. LTD.

AH CHEE AV., RABAU.

P.O. BOX 476

PHONE 2008.

HELT

Las taim mi toktok long sik malaria. Sik malaria i save bagarapim yumi olsem wanem? Em i save bagarapim blut bilong yumi na bai yumi no gat strong.

Nau mi laik toktok long arapela sik. Dispela yumi kolim ti bi. Em i save bagarapim waitlewa, ol skru na bun bilong yumi. Dispela sik i kamap long taim man i kus na spet nambaut. Sapos man i gat ti bi na i spet o kus, bai jerm i kam ausait long bodi bilong em. Dispela ol jerm i strong moa na san i no inap long kilim ol. Ol i ken stap long taim moa na bihain ol i ken go insait long maus o nus bilong arapela man tu.

Sampela taim dokta i ken rausim dispela sik hariap, tasol sampela taim nogat. Dokta i save painim sik ti bi olsem: long eksre piksa, glasim spet bilong man na long wanpela kain sut. Planti taim dokta i save mekim ol tripela samting wantaim. Sapos em i painim man i gat sik ti bi, bai em i givim marasin long dispela man.

Bihain long dokta i painim sik ti bi, bai em i salim dispela man i go long haus sik. Em bai stap inap ol jerm i no gat strong. Bihain em i salim em i go long ples, tasol em i mas kisim marasin moa yet. Em i mas kisim tripela taim long wanpela wanpela wik. Em i ken kisim long etpos, long misin o long haus sik. Em i mas kisim i go inap long dokta i tok sik bilong em i pinis olgeta. Sapos sikman i no kisim marasin, bai sik i kam bek na famili na ol pren bilong em bai i kisim tu. Gavman i laik pinisim dispela sik na em i putim lo olsem, man i gatti bi na i no kisim marasin bai em i go long kot.

Kot i ken mekim em: stap insait long haus sik inap em i orait gen.

Sapos wanpela man long ples i gat sik ti bi, yu yet yu mas strong long em i mas kisim marasin.

Olsem wanem yumi ken save yumi gat sik ti bi? Sapos yumi save kus ol taim ol taim na kus i no pinis. Sapos skin bilong yumi i les kwiktaim.

Sapos skin bilong yumi i wara taim yumi sliq long nait. Sapos yu pilim olsem, yu go na lukim dokta. Nogut yu gat ti bi. Marasin bilong bus i no inap mekim yu orait. Nogut yu stap long ples na givim ti bi long planti arapela man. Yu kam long dokta na yu no ken pret.

Yu no mas baim marasir bilong ti bi. Em bai yu i kisim nating.

LUKLUK LONG PANGUNA

Long yia bihain bai tupela kaunsil bilong Morobe Distrik bai i go lukluk long wok bilong CRA kampani long Panguana.

Wanpela, Mista Seregi, presiden bilong Morobe Lokal Gavman Kaunsil, na narapela em i Mista Bilum bilong Markham Lokal Gavman Kaunsil.

Long Oktoba, ol Kaunsil i bung long namba 14 kibung bilong ol Morobe Distrik Kaunsil i makim dispela tupela man long go long Panguana.

CRA kampani long Panguana yet i singautim tupela kaunsila bilong Morobe Distrik bilong kam lukluk long wok ol i mekim. CRA kampani bai lukautim tupela na baim rot bilong tupela. Taim tupela i kam bek, bai tupela i bringim sampela toktok long ol samting tupela i bin lukim long Panguana. Dispela samting bai tupela i bringim i go long narapela kibung bilong ol Morobe Kaunsil.

First Teachers' Association

The first Papua and New Guinea Teachers Conference will be held at Port Moresby Teacher's College on December 7-10.

About 40 teachers will represent the Territory's 18 Districts, the national bodies of teachers, and other groups interested in making success of the unified system of education.

The four-day conference is expected to decide on the future form of a teachers' association at national level to present teacher's views to the Teaching Service Commission.

Representatives of the Christian Mission, the Administration, students and teachers' college, the primary, secondary and tertiary divisions of the education system, are on the steering committee.

Members are: M. Bola, H. Avei, L. Kaisave, P. Arnold, V. Ha'ofa, K. Smith, C. Ine'e, E. King, K. Diflo, A. Randall, C. Williams, K. Tidén, P. Lemon and S. Henry.

Creative Writing

From the 18 to the 24 of November the second annual Wewak creative writing course was held at Brandi High School. There were twenty participants; the most ever. Eight were girls and twelve boys. Seven from Brandi, two from Maprik High, seven from Mercy College, Yarapos, and four from St. Xavier's High.


Mr. Brain Norris, Nijel Gregory and Geoff Miller were the teachers. Two

New Guinean writers: John Wills Kaniku and F. Kumalau Tawali, coached and tutored. Mr. Don Maynard of the Literature Bureau of the D.I.E.S. headed the programme.

The teacher did not like the way the pupils kept looking at the clock, so he put a sign at the bottom: "Time will pass; but will you?"

If all the perfect people in the world were gathered together in one room, there would be nobody there.

East Pakistan



One of the greatest disasters of modern time took place recently in East Pakistan where a cyclone and tidal wave have caused over 300,000 to lose their lives. Imagine this! In our big earthquake in Madang we lost only 8! Let us say a few things about this country.

East Pakistan is up in a corner right next to India on the map. There are two Pakistans and both of them were parts of India until 1947. Then the two big religions of India decided to divide their countries according to religion and so the Mohammedans or Muslims cut off the two upper corners of India and called one West and the other East Pakistan. Pakistan is the largest

Muslim nation in the world.

But don't think of East Pakistan as a big country geographically. It is not. It is not even half as big as New Guinea but it has 28 times as many people per square mile as we do here. It is one of the most densely populated countries in the world. And most of its people are living on the many islands that make up the coastline because one of the largest rivers in the world, the Ganges, empties into the Bay of Bengal right there. This river has many many mouths, and so all the land between them becomes islands. Many of the people are born and live and die on little boats on these many branches of the river, and it was just there that the cyclone with very strong winds kept blowing for six hours. Then a big wave 20 feet high came along and just washed everything and everyone into the sea. The people who hid from the wind under the ground, were then drowned.


East Pakistan is bordered on the north by the highest mountains in the world: the Himalayas. It has many jungles between the coast and these mountains; with big animals like tigers and leopards.

It is famous for growing the plant called jute. This is used for the manufacture of the kind of rough cloth that we make our copra bags out of.

Be careful not to perform your religious duties in public so that people will see what you do. If you do these things publicly you will not have any reward from your Father in heaven. (Matthew 6,1)



Yesa Yesa



Ol pren bilong mi, em hia wanpela samting mi yet mi lukim long ai bilong mi na mi laik tok-aut long em.

Mi lukim ol man hia long Niugini oltaim olgeta i save redi long harim tok bos bilong ol, maski waitskin o blak-skin. Bilong wanem? Samting bilong wok tasol. Ol i save pinis, sapos yumi sakim tok bilong bos bai yumi lus long fotnait bilong mipela.

Ausait long wok tasol em i arapela samting. Sapos bos bilong skul, bos bilong wanpela asosiesen, presiden bilong PCA, kepten bilong soka, katekis bilong misin, o komiti bilong wanpela wok, sapos ol i askim yumi long mekim wanpela wok, oltaim yumi givim "YESA" long ol. Tasol

yumi YESA long maus tasol. Tasol long taim bilong mekim wok i no gat man i save kamap. Dispela pasin em i as bilong planti trabel i kamap long taun na kantri bilong Yumi. Yumi oltaim yesa nating.

Nau mi ting, i gutpela moa sapos yumi harim tok bilong man i bosim yumi, skelim gut toktok bilong em, na bihain bekim stret toktok bilong em. I olsem, sapos kepten bilong soka i tokim yu gat pilai long wik bihain na yu no laik, yu mas tokim em stret. Plantitaim trabel i kamap long dispela samting. O sapos presiden bilong PCA i tokim yu long mekim wanpela wok na em i makim de bilong kirapim wok, yu no ken yesa nating na go ausait na

lusim tingting long ol dispela wok yu bin tok pinis long mekim. O sapos komiti o katekis bilong misin i tok long wanpela wok i mas kamap, yu mas skelim gut tok bilong em pastaim, stretim gut tingting bilong yu na bihain bekim tok. Olsem na samting i ken ran gut. Plantitaim yumi sem na yumi no laik tok klia. Yumi YESA, YESA nating.


Olsem na mi ting i gat tupela samting YESA, na MI SORI. Sapos yu YESA, bel bilong yu na tingting bilong yu i mas pas wantaim. Sapos yu gat tupela tingting, orait yu tok sori long bos o kepten. Em i wanpela gutpela pasin tru.



Mista D.O. Hay, kuskus bilong ol Teritori, bipc em i namba wan gavmar bilong yumi, i kam bek lukluk raun long Wewak, Manus, Kavieng, Namatanai na Buin. Em i laik help-im olkain wok i go het.




Sampela manki i
lap nogut tru...




TEP RIKODA

Smelpela tru. Strongpela moa. I no kostim planti. Yu inap yusim long bateri tasol.

SANYO



NAMBAWAN REDIO bilong harim musik na nius. Yu baim Sanyo long liklik mani tasol. Karim Sanyo i go long ples bai ol i amamas tru, bai yu gat namba.



PIKAP-NA REDIO WANTAIM

Sanyo - samting tru. Sanyo - smat moa. Tupela spika. Yu laik harim redio? Orait. Yu laik pilai rekot? Orait. Sanyo i redi - oltaim. Maski lektrik. Bateri inap.

Ol samting bilong SANYO i kamap long dispela kampani hia:

TERRITORY AGENTS

BRECKWOLDT & CO. (N.G.) PTY. LTD.

PORT MORESBY
P.O. Box 1549, Boroko.

MADANG
P.O. Box 185.

LAE
P.O. Box 557.

RABAU
P.O. Box 222.

MT HAGEN
P.O. Box 237.

WEWAK
P.O. Box 178.

KIETA
P.O. Box 77.

Resis Bilong Rait

Moa olsem 600 stori i am insait long wanpela esis rait.

Man i winim prais bilong \$50 nem bilong em assel Soaba bilong Yu-ivesiti bilong Papua na i Gini. Nem bilong stori bilong em: "Arakain an tru".

Wanpela arapela prais kam long Ulli Baier ilong mekim go het ol an bilong haiskul i ave gut long rait. Em i o long Oria Gemo bilong oronesen Haiskul long erema. Nem bilong stori ilong em: "Ol sutboi nsait long ol stori ilong tumbuna."

Tupela arapela man: oki Mokop bilong Mt. agen Haiskul na John aogle bilong Lae Teknial Koles klostu i win.

I gat narapela prais nap long \$50, ol i kolim Michael Zahara prais. m i bilong raitim wanpela pilai. Mista Arthur awofimbari bilong Yunivesiti i win wantaim ilai bilong em ol i olim: "San". Mista Leo annett i raitim pilai: Pikinini meri nogut" na winim \$20.

Dipatmen bilong olkain rait i putim wanpela prais inap \$30 i go long nan i save raitim stori i olsem singsing. Mista Kumalan Tawali bilong Yunivesiti i winim; em i bungim 19 singsing insait long wanpela buk em i "Mak long Heven". Tupela prais moa inap 10 dola, 10 dola i go long: Mista Jack Lohui na Bruder Alain Jaria, M.S.C.

ATING YU SAVE

Long Niugini i gat 141 Lokal Gavman Kaunsil. Insait long ol i gat 2,764 memba; ol i kam long 9,344 ples; ol i stap long maus bilong 1,967,596 pipel.

NU AILAN NIUS

I no long taim wanpela kiap bilong Nu Ailan Mista Brightwell i bin opim wanpela bris long Marr Riva klostu long Namatanai.

Presiden bilong Namatanai Lokal Gavman Kaunsil Mista Robert Seeto i tok, longpela bilong bris inap long 300 fit na bikpela bilong em inap long 20 fit. Dispela bris i kostim inap long \$5,000. Gavman i bin salim \$3000 an Namatanai Kaunsil i putim \$2000.

Mista Seeto i tok, Dipatmen bilong Pablik Wok i wokim dispela bris, na kaunsil i helpim em long salim sampela viles pipel long helpim Dipatmen bilong Pablik Wok.

Mista Brightwell i tok, Kaunsil na Gavman i wok wantaim long wokim dispela bris.

Long taim bilong opim dispela bris, i gat sampela bikman tu i stap insait. Em hia i nem bilong ol: Mista Hosea Towartova presiden bilong Gazelle Kaunsil. Mista Vin Tobaining, na Mista Henry Matamatam.

Long dispela taim i gat bikpela singsing na tu i gat planti pipel i bung. Samting olsem moa long 500 pipel i bin kamap.

KLASIFAIT

PABLIK NOTIS

PRE BUK. Yu laikim buk long beten long nait? Salim pas long Booklet, Box 1096, Boroko. Kisim nating.

RADIO WINNER: first Wewak Jamboree Fund Raffle is: Leo Yambi % Geo Seto. Ticket: F 65

Wantok Publications, P.O. Box 298, Wewak, i wokim, na Wirui Pres long Wewak i prinim.

Planti pipol oli askim

Tutt Bryant emi gat wonem samting long stoa bilong ol.

Emi gat planti kain masin nau sperpat long en tu. Nau hio yu lukim sampela mipela igat long stoa long mipela. Sapos yu laikim arapela samting bai yu askim long stoa long mipela long wonem TUTT BRYANT igat planti samting long ol masin, moto nau arapela samting. Em hio mi kolim sampela tasol mipela.

ALLIS CHALMERS <i>(earth moving equipment)</i>	LIGHTBURN <i>(cement mixers)</i>
APAC <i>(lift gear)</i>	LINCOLN WELDERS
AVIS RENT-A-CAR	KAWASAKI OUTBOARDS
BEDFORD <i>(trucks)</i>	KITTEN <i>(automotive products)</i>
BROOMWADE COMPRESSORS	MERCURY OUTBOARDS
CARIBBEAN BOATS	MICHIGAN LOADERS
DAIHATSU	MONROE-WYLIE AUTOPARTS
DUFFIELD HOSES	ONAN <i>(engines and generator sets)</i>
EQUIPMENT INVESTMENTS <i>(hire purchasing and leasing facilities)</i>	PACIFIC-ACE EQUIPMENT
FIAT TRACTORS	PACIFIC PUMPS
FIRESTONE TYRES	P.E.P. <i>(automotive products)</i>
GENERAL MOTORS HOLDEN	PERKINS DIESEL
GENERAL MOTORS <i>(diesel)</i>	PHOENIX ASSURANCE
HEALTHWAYS DIVING EQUIPMENT	SMITH'S INSTRUMENT
HOWARD <i>(Agricultural)</i>	SUZUKI MOTOR CYCLES
I.S.S. <i>(safety equipment)</i>	VOLVO-PENTA <i>(marine engines)</i>
	YANMAR DIESEL
	YOKOHAMA TYRES



Tutt Bryant Pacific Limited

BRANCHES: PORT MORESBY, LAE, GOROKA, MADANG, RABAU, KIETA
AGENTS: MT. HAGEN, WEWAK, HONIARA (BRITISH SOLOMONS)
WRITE: P.O. BOX 326, PORT MORESBY, T.P.N.G.



Sapos mipela i salim i kam long balus:

7 pela taim i kostim	\$1.00
14 pela taim i kostim	\$2.00
21 pela taim i kostim	\$3.00
28 pela taim i kostim	\$4.00

Overseas rates on application.

Wantok Publications Inc.,
P.O. Box 298, Wewak

ADVERTISING RATES

Casual \$2.00 per single column inch.

3 insertions over 12 months	\$1.85
6 insertions over 12 months	\$1.70
12 insertions over 12 months	\$1.55
24 insertions over 12 months	\$1.40

Classified Advertising: 65 cents first 2 lines; 30 cents each additional line.

Published 1st and 3rd Wednesday of the month.

Lukim Gut Kisim Presen Bilong Krismas

**Hariap.
Em í no kostim wanpela
samting.**

**Mípela í presen long yu...
yu presen long poroman.**

Katim pepa hia na salim í go long
WANTOK Publications Inc.
P. O. Box 298, Wewak

Taim bilong Krismas í klostu nau.
Ating, yu laik presen long sampela man.
Orait, mípela í laik helpim yu.

Yu mekim olsem:

1. Raitim nem bilong poroman, wantok, pren long tiket daunbilo.
2. Katim dispela tiket na salim í kam bek long mípela.

(Yu mas kisim dispela tiket bilong niuspepa tasol.)

Bai mípela mekim olsem:

Mípela bai salim wanpela naispela niuspepa WANTOK bilong Krismastaim í go long poroman bilong yu. Em í ken lukim nem bilong yu na save em í presen í kam long yu tasol.

Bai em í hepi, na yu hepi tu...

Dia WANTOK

Plis, yu salim wanpela naispela niuspepa bilong Krismas í go long dispela poroman bilong mi:

Nem: _____

Adres: _____

Em hia nem bilong mi: _____

HEPI KRISMAS, PORO

